



## ՍԱՐԿԱՎԱԳՆԵՐԻ ՁԵՌՆԱԴՐՈՒԹՅՈՒՆ ՄԱՅՐ ԱԹՈՒՌԻՄ

1962 թվականի սեպտեմբերի 23-ին, կիրակի, Հոգևոր Ճեմարանի վերատեսուչ պետական Ս. Հայկազուն արքեպիսկոպոսը Մայր Տաճարում սուրբ պատարագի ընթացքում սարկավագ ձեռնադրեց Հոգևոր Ճեմարանի Գլխարանի 1962 թվականի ուսումնական տարվա շրջանավարտ 4 ուսանողներին:

Իր անդրանիկ պատարագն էր մատուցում հոգեշնորհ Ս. Արսեն արեղա Բերբերյանը:

Կիրակի առավոտյան ժամերգությունից հետո, վերատեսուչ սրբազանը կատարեց նորընծաների կոչման արարողությունը և ձեռնադրության Մաշտոցի համաձայն տվեց «պաշտոն փոքր սարկավագության»:

Այնուհետև պատարագը շարունակվում է մինչև «Ձի ողորմած և մարդասէր ես Աստուած զոյով» աղոթքը և սկսվում է բուն ձեռնադրության արարողությունը:

Խարտավիլակ հոգեշնորհ Ս. Մեսրոպ վարդապետը դիմում է ձեռնադրող սրբազանին «Ի ձայն քարժր, դի կիսասարկավագունս, զորս ընծայէ քեզ, ձեռնադրեսցես մեզ ի սարկավագ»:

Ձեռնադրող սրբազանը ապա հարցեր է տալիս նորընծաների հոգևոր արժանավորության և կենցաղի սրբության մասին:

Խարտավիլակի դրական վկայությունից հետո, ձեռնադրող սրբազանն ասում է. «Կոչեմք (անունները տալով) զկիսարկավագունս ի պաշտոն սարկավագության»:

Ապա նվիրյալները ծնրադիր մոտենում են Ս. Սեղանին:

Ձեռնադրող սրբազանը «զաջն ի վերայ գլխոց նուիրելոցն» դնելով, կարդում է ձեռնադրության մեծ աղոթքը:

Գեղեցիկ է այն պահը, երբ նորընծաները, ի նշան աշխարհից հրաժարման, դառնալով «յարեմուտս», «զձեռս ի վեր ափ ի բաց» բարձրացնում են, մինչև կղերիկոսների խումբը երիցս երգում է «Աստուածային և երկնաւոր շնորհ» ձեռնադրության շարականը:

Ժողովուրդը միաբերան վկայում է՝ «Արժանի են»:

Ապա նորընծաները թուրակի շարվում են ձեռնադրող սրբազանի աթոռի շուրջը, որը «զաջն ի վերայ գլխոյն» դնելով, յուրաքանչյուրին ասում է. «Ես դնեմ ձեռս ի վերայ սորա և դուք ամենեքեան աղօթս արարէք, դի արժանի լիցի զաստիճան սարկավագութեան անարատ պաշտել առաջի Սրբոյ Սեղանոյս Աստուծոյ»:

Սարկավագների ձեռնադրության հուզիչ արարողությունը վերջանում է ձեռնադրող սրբազանի «Պահպանիչ»-ով:

Սարկավագների ձեռնադրությանը ներկա էին Վեհափառ Հայրապետը, ամենապատիվ Ս. Խաղ արքեպիսկոպոս Աջապահյանը և զերաշնորհ Ս. Ասողիկ եպիսկոպոս Ղազարյանը:

Սուրբ պատարագից հետո, վերատեսուչ սրբազանը նորընծա սարկավագներին առաջնորդում է Վեհարան՝ Վեհափառ Հայրապետի օրհնությունն ստանալու համար:

Նորընծա սարկավագներն են.

Բարեշնորհ Ժիրայր սարկավագ Կոնսուլյանը, ծնված 1935 թվականին Կահիրեում (Նգիպտոս), Հոգևոր Ճեմարան է ընդունվել 1957—1958 ուսումնական տարում:

Բարեշնորհ Կարպիս սարկավագ Սերայազարյանը, ծնված 1938 թվականին Բուխարեստում (Ռումինիա), Ճեմարան է ընդունվել 1956—1957 ուսումնական տարում:

Բարեշնորհ Արշակ սարկավագ Տերտերյանը, ծնված 1937 թվականին Սպահանի շրջանի Խոզիան գյուղում (Իրան), Ճեմարան է ընդունվել 1956—1957 ուսումնական տարում:

Բարեշնորհ Զեմրայ սարկավագ Շամլյանը, ծնված 1941 թվականին Հալեպում (Սիրիա), Ճեմարան է ընդունվել 1959—1960 ուսումնական տարում:

